

Dumengia, ils 18 da zercladur – Fiasta dil Cor da Jesus

10:00

A Rueras: Messa dalla fiasta embellida dil chor baselgia Sedrun. Messa dil trentavel per Giusepa Giossi-Berther. M.f.p. Sigisbert Giossi-Berther, per Teofried Giossi-Lutz (davosa publicaziun), per Duri Vigeli Cavegn (davosa publicaziun), per Renata Monn-Loretz e feagl Rafael, per Gion Antoni Giossi-Berther, per Marco Flepp, per Barla e Stiafen Caduff-Hendry e per sur Tumaisch Berther.

Suenter messa offerescha il vischinadi da Rueras in aperitiv avon baselgia. Unfrenda per la baselgia da s. Giachen. (sur Giusep Venzin)

19:00

A Sedrun e Rueras: Rusari

Dumengia, ils 25 da zercladur – Fiasta da s. Vigeli

09:30

A Sedrun: Messa dalla fiasta embellida dil chor baselgia Sedrun. Messa caudonn per Theofil Jacomet-Degonda e messa dil trentavel per Giusepa Monn-Gamboni e per Maria Luisia Jägler-Jacomet. M.f.p. Linus Monn-Derungs, per Rosa Derungs-Riedi, per Gion Battista e Marta Riedi-Cavegn, per Margrita ed Ignazi Monn-Tuor, per Maria Berther-Monn e feglia Olga, per Maurus e Theodora Cavegn-Degonda e per Carmelia e Luis Hendry-Monn.

Alla fin dalla messa processiuin viers Fravia -Tgès' Alva e la medema via anavos. La processiuin vegn accompignada dalla societad da musica, dalla parada da giuventetgna e da nos premcommunicants. Suenter processiuin envida il cussegl pastoral tier in aperitiv avon baselgia. Unfrenda per la baselgia da s. Vigeli. (sur Giusep Venzin)

La sera ei negin rusari.

Venderdis, ils 30 da zercladur

08:20

A Sedrun: Devoziun d'engraziament per la finiziun digl onn da scola. Cordialmein einvidai ein era ils geniturs, fargliuns e parents dils scolars e dallas scolaras.

Nus lein buca emblidar dad engraziar a Diu per tut il bien che nus havein astgau retscheiver durant quei onn da scola. Als giuvenils che bandunan la scola giavischein nus da cor tut mo il meglier per lur proxim pass viadora ella veta. La benedicziun dil Tutpussent accumpogni els sin lur via. A tuttas scolaras ed a tuts scolars, sco era allas personas d'instrucziun giavischein nus bialas vacanzas da stad.

Lavar ora la baselgia s.Vigeli a Sedrun

Igl ei usit da lavar ora la baselgia avon la fiasta da s. Vigeli. Uonn vegn la baselgia denton lavada ora pér el meins october. Quei ord motivs ch'ei vegn a dar el decuors dalla stad entginas sanaziuns egl intern dalla baselgia che caschunan puorla. Il termin vegn publicaus cuort avon el plan da messas.